

6. maj 1998

UPA 1998/10

**Pappiaqqanik nalilinnik naqissusiinermi akitsuut pillugu Inatsisartut
inatsisaata allanngortinneqarneranik Inatsisartut inatsisissaannut siunnersuut**

pillugu

Inatsisartut Akileraartarnermut Ataatsimiititaliaata

ISUMALIUTISSIISUTAA

siunnersuutip aappassaaneerreqarneranut saqqummiunneqartoq.

Siunnersuutip suliarineqarnerani ataatsimiititaliap ilaasortarai

inatsisartunut ilaasortaq Knud Sørensen (A), siulittaasuugallartoq
inatsisartunut ilaasortaq Lénnguak Lynge (S)
inatsisartunut ilaasortaq Siverth K. Heilmann (A)
inatsisartunut ilaasortaq Ruth Heilmann (S)
inatsisartunut ilaasortaq Manasse Berthelsen (IA)

Inatsisartut Akileraartarnermut Ataatsimiititaliaata Inatsisartut siullermeerinninnerisa
kingorna inatsisissatut siunnersuut oqaaseqaatitaalu misissuataarpat.

Inatsisissatut siunnersuut Takornariartitsinermik inuussutissarsiuteqarnermut
aningsaalersuinikkut tapersiisarneq pillugu inatsisartut inatsisaannik, januarip
aallaqqaataani 1997 atuutilersumik, Inatsisartut akuersissuteqarnerata
pissusissamisoortumik malitsigaa.

Taamaalilluni ataatsimiititaliap isumaqatigiissup Pappiaqqanik nalilinnik
naqissusiinermi akitsuut pillugu Inatsisartut inatsisaanni taamatut
allanngortitsinissaq ilalerpaa, taamaalillunilu qularnaveeqquusiussinermut
uppernarsaatit il.il. takornarianut unnuiffiusinnaasunik pilersitsinissamut
aningsaalersuinikkut tapersiissuteqartarnissamut aningaasaateqarfimmut,
imaluunniit takornariartitsinermi inuussutissarsiuteqarnerit iluanni aallartitsinianut
aningsaalersuinikkut tapersiisarnermut ataatsimiititaliamut, tunniunneqarunik
akitsuuserneqartussaajunnaarsillugit.

Akileraartarnermut Ataatsimiititaliap taamatuttaa^q suliniutinut inuussutissarsiornermi ingerlatanik kinguaariit tulliit tigusinissaannut ajornanginnerulersitsisussanut tapersersuinini oqaatigerusuppaa.

Taamaalilluni ataatsimiititaliap isumaqatigiissup ilalersinnaavaa aktiaateqarluni piginneqataassuteqarlunilu ingerlatseqatigiiffiit kattunnerini uppersaatit naqissuserneqartassanngitsut, Akileraartarnermi Siunnersuisoqatigiit kattunneq akileraaruserneqassanngitsutut akuersissutigisimappassuk.

Inatsisartut Akileraartarnermut Ataatsimiititaliaata taamaalilluni inassutigissavaa Pappiaqqanik nalilinnik naqissusiinermi akitsuut pillugu Inatsisartut inatsisaata allangortinneqarneranik Inatsisartut inatsisissaannut siunnersuut taama isikkoqarluni aappassaaneerneqarnissaminut ingerlateqqinneqassasoq.

Knud Sørensen (A)
ataatsimiititaliami
siulittaasuugallartoq

Lénnguak Lynge (S)

Siverth K. Heilmann (A)

Ruth Heilmann (S)

Manasse Berthelsen (IA)